



Sud Bosne i Hercegovine

Суд Босне и Херцеговине

Broj: Su-08-204/15

Datum: 09.10.2015.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-203/15 od 09.10.2015. godine u postupku javne nabavke obrazci za štampanje – **22800000-8**, donosim

ODLUKU

o izboru najpovoljnijeg ponuđača za nabavku obrazaca za štampanje

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-203/15 od 09.10.2015. godine i Ugovor za nabavku obrazaca za štampanje- oznaka i naziv iz JRJN: **22800000-8** (obrazci i drugi štampani kancelarijski materijal), dodjeljuje se ponuđaču „**Štamparija Fojnica**“ d.d. Fojnica, sa sjedištem na adresi Prokoški put bb, a ponuda ovog ponuđača broj: 246/15 od 05.10.2015 godine za ponuđenu cijenu od **6.560,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Štamparija Fojnica**“ d.d. po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke obrazaca za štampanje broj: S u-08-68/15 od 18.05.2015. godine. Javna nabavka je provedena putem Konkurentskog zahtjeva za dostavu ponuda broj: Su-08-194/15, a procijenjena vrijednost javne nabavke bez PDV-a je 5.100 KM. Obavještenje o nabavci objavljeno je na portalu javnih nabavki pod brojem 243-7-1-123-3-24/15 od 25.09.2015. godine. Zahtjev za dostavu ponuda proslijeđen je na adrese tri ponuđača („Primaprom“ d.o.o., „Svjetlost štampa“ d.o.o. i „Štamparija Fojnica“ d.d.) istovremeno sa slanjem obavještenja na Portal javnih nabavki dana 25.09.2015. godine, Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke obrazaca za štampanje. Komisija je blagovremeno i pravilno izvršila javno otvaranje ponuda dana 08.10.2015. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristiglo ukupno pet (5) ponuda (Štamparija Fojnica d.d., Grafomark d.o.o., Svjetlost-BH print d.o.o., Primaprom d.o.o. i A Dizajn d.o.o., da nije bilo neblagovremeno zaprimljenih ponuda; da su sve pristigle ponude ponuđača ocijenjene prihvatljivim u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Štamparija Fojnica“ d.d. izabran primjenjujući kriterij najniže cijene koja je ponuđena u iznosu od **6.560,00 KM** bez PDV-a dok su ostali ponuđači ponudili sljedeće; „Primaprom“ d.o.o. ponudio cijenu u iznosu od **6.661,00 KM** bez PDV-a, Svjetlost-BH print d.o.o. ponudio cijenu u iznosu od **7.998,70 KM** bez PDV-a, A Dizajn d.o.o. ponudio cijenu u iznosu od **13.714,00 KM** bez PDV-a i Grafomark d.o.o. ponudio cijenu u iznosu od **18.452,50 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

PREDSJEDNICA SUDA
Medždžida Kreso

